

摘藻堂四庫全書薈要

集部

欽定四庫全書薈要

集部

御選明詩卷六十九

詳校官原任主事臣李斯咏

欽定四庫全書薈要卷一萬八千五百六十九

集部

御選明詩卷六十九

七言律詩二

楊基

寄楊鐵崖先生

不見雲間楊鐵史
寮中七客近如何
老來詩句疎狂甚
亂後文章感慨多
長笛參差吹海鳳
小瑤楊柳舞天魔
春明且盡嬉遊樂
莫解梁鴻五噫歌



郡齋養病呈醉樵內史

江雲倏忽暝還收五月猶寒著敝裘芳草斜陽看易晚
綠荷疎雨聽如秋池塘空闊蜻蜓喜簾幕蕭條燕子愁
不是無言成獨坐暫將心事靜中求

小軒新沐喜神清短幘單衣覺漸輕松下琴書晴亦潤
竹西窗戶晚猶明愁來對酒心先醉病後看花意懶行
却憶故山深處立綠蘿千樹叫流鶯

和謝雪坡錢塘見寄

經旬不見謝宣城小楷烏絲寄遠情黃篋樓高春夢破
綠蘿衣薄暮寒生鶴臨沙渚鷗俱浴花落江泥燕與爭
亦欲雨蓑搖短楫西湖新水蕩空明

赤山書事寄龜巢謝隱君君南蘭陵人今避兵
居吳長洲之獨樹湖

曾向溪南看藝麻竹扛兜子一肩斜秧苗尚短仍含穀
荷葉纔高已上花蠶屋柘煙朝焙繭鵲鑪沈火晝烹茶
而今風雨成拋絕卧聽西園兩部蛙

聞雪坡將還吳門

桑葉重重戴勝飛
行人多報故人歸
鬢從別後星星出
花到春深樹樹稀
詩喜官閒能不廢
身緣謀拙事多違
便須出郭相迎迓
遮莫南風雨滿衣

江村寒食

預折楊枝插繞簷
豆糜香軟麥餠甜
春衣未染新絲織
午篆猶分舊火添
小雨送花青見萼
輕雷催笋碧抽尖
不因人遠傷離別
那得春愁上短髯

春日雜詠二首

偶自循籬出徑苔刺桐花落野棠開
一年春已無多在
幾箇人曾有暇來浸穀陂塘斜斗亂
浴蠶時節杜鵑哀
買山莫種閒花柳多覓松栽與柏栽

陋巷荒蕪野趣濃小溪春水恰船通
無邊草色猶春雨
有幾梅花更晚風文體敢期盧駱並
交情惟許范張同
欲將浪迹隨鷗鳥錯比溪南是瀼東

奉天殿早朝二首

雙闕翬飛紫蓋高日華雲影映松濤萬年青擁連枝橘
千葉紅開並蒂桃仗以玉龍銜寶玦珮將金兕錯銀刀
乍晴風日欣妍美闔殿齊穿御賜袍

錦襠繡帽列金盞玉節龍旂拱翠華甘露欺霜凝紫液
卿雲如蓋結丹霞鶯聲近隔宮中柳駿騎遙穿仗外花
聖主直教恩澤遍香羅先到小臣家

雪

耿耿整整復皚皚可是春冰細剪裁到處江山皆玉立

誰家庭院不花開
幾回旋繞還飛去
半晌悠揚却下來
獨有梅邊易消滅
也應和氣近蓬萊

上馬

晴來未覺是春朝
已有東風著柳條
雪自堅牢盈尺在
冰纔輕薄一邊消
不愁霧暗看花眼
且倩人扶上馬腰
却憶探春湖上路
小紅船子木蘭橈

感春

茂苑東風散鼓鞳
草堂近在柳營西
春衣禁酒聊存著

詩句懷人每謾題
花有底忙衝蝶過
鳥能多慧學鶯啼
閒身準擬看山色
又復朝參逐馬蹄

晚春三首

旌旗獵獵繞高城
曲水飄香出繡楹
雨頤風頤枝外蜨
花遮柳映樹頭鶯
乍籠紗幘羞容老
試著羅衣覺體輕
猶憶醉歸湖上路
滿身飛絮馬縱橫

宮樹參差帶苑牆
暖塵兼霧撲衣裳
新蒲細柳皆春色
紫燕黃鶯欲斷腸
沽酒客來花未落
裱除人去水猶香

老懷無復登臨賞坐對鍾山到夕陽

辛夷如雪照庭柯老去愁驚日易過芳草漸于歌館密
落花偏向舞筵多故人別後皆黃土南浦春來又綠波
便欲移家勾曲住採芝種玉此山阿

寓江寧村居病起寫懷十首

落梅風急晚蕭蕭病起愁驚雪未消卮酒不添前日量
帶圍初減舊時腰高樓錦瑟花連屋深巷珠簾柳映橋
準擬青鞋踏春草看他翡翠戲蘭苕

病體支離倦裏中偶因行藥見陽春
梅緣無恨尋常瘦柳故多愁
日夜顰夢裏笙歌隨驀裏畫中羅綺繡麒麟
相期欲就吳姬飲却恐江花笑客貧

性懶逢春睡轉昏曉鶯多在夢中聞
故人錦字憑誰寄學士銀魚每自焚
布穀雨晴宜種藥葡萄水暖欲生芹
相思未信蓬山遠只隔江東一片雲

望盡吳山是楚峰一緘芳信託歸鴻
丁香暗結盈盈露豆蔻微含細細風
春水染衣鸚鵡綠江花落酒杜鵑紅

此身曾是登瀛客未信扶桑弱水東

不知殘雪是春光起見輕雲覆野塘
春草春江相妬綠新鶯新柳鬪爭黃
囊無太史新頒歷衣有容臺舊賜香
但使清尊花底醉任教白髮鏡中長

東風拂柳軟婆娑野鳥啼春聽未和
世事不隨人意好雨聲偏為客愁多
回文篆小香如蟻凹面杯深酒勝鷺
一帶春江皆碧草却愁無地著漁蓑

醉舞狂歌四十年老來參得一乘禪
東風未濕牆腰雪

細雨微添石眼泉無數白鷗閒似我一江春水碧于天
莫言笠澤非彭澤定擬金川是輞川

坐對青山覺眼明山應憐我眼偏青一官不博三竿日
萬事無過兩鬢星花底蛛絲迷蛺蝶草根蝦蟆變蜻蜓
文章無預封侯相莫向人誇識一丁

十里吳堤踏暖塵老懷忽憶故鄉春泥金孔雀裁歌扇
刻玉麒麟壓舞茵翠袖錦箏邀上客畫船銀燭照歸人
而今白髮東風裏疑是前身與後身

門外春泥一尺深
窗間雲氣十分陰
寒瓊溜雨衾如鐵
濕竈凝煙火似金
酒解驅愁時強飲
詩多感舊懶長吟
貧家不願千金粟
但得陽烏照晚林

新柳

濃如煙草淡如金
濯濯姿容裊裊陰
漸軟已無憔悴色
未長先有別離心
風來東面知春淺
月到梢頭覺夜深
惆悵吳宮千萬樹
亂鴉疎雨正沈沈

江畔尋花偶成二首

細草平沙暖更融
謾隨蝴蝶步東風
衰髯照水疑添白
老眼看花覺厭紅
且自細聽鶯宛宛
莫教深惜燕怱怱
江村到處皆春色
聊與行人弔客中

偶隨流水到花邊
便覺心清似昔年
春色自來皆夢裏
人生何必盡樽前
平原席上三千客
金谷園中百萬錢
俛仰繁華竟陳迹
野花啼鳥謾留連

書事

春來不到鳳皇坡
辜負江頭白苧歌
輕薄衣裳宜換袂

軟紅泥土不沾靴
鶯緣夢短嗔啼早
雨為花疎厭聽多
只恐新晴便零落
南風吹老樹陰蘿

春日白門寫懷用高季迪韻五首

得歸雖喜未忘悲
夢裏愁驚在別離
尚短柳如新折後
已殘梅似半開時
江雷殷夜蟲蛇早
山雨崇朝蛺蝶遲
製取烏紗籠白髮
免教春色笑人衰

柴門斜對曲江頭
農具漁罾晚自收
細雨短莎寒似臘
淡煙新柳暝如秋
鷗能來往緣曾識
鶯或丁寧解說愁

回首故交零落盡更將詩酒與誰遊

綠髮無多白髮長謫居還復是他鄉風紉晚佩倚蘭弱
雨滴春蔬早韭香碧柳五株千本菊黃牛十角一羣羊
得閒隨地為農好不獨長安與洛陽

遠歸偏惜竄餘身多難番為異姓親前度劉郎非故物
當時燕子總西鄰家貧母老難為客酒薄愁深不醉人
走向津頭看春色綠波芳草却傷神

綠蕪迷渚水漫沙斷岸無舟路轉賒細柳已黃千萬縷

小桃初白兩三花
煙中晚棹兼鷗遠
雨裏春旗趁屋斜
野趣莫嫌渾寂莫
近來沙觜有人家

春暮有感二首

春色鮮明不稱貧
越羅川錦照烏巾
斜陽芳草遲遲晚
流水桃花去去春
萬里歸心帆送客
片時間夢鳥催人
五湖風雨煙波闊
便著青蓑採白蘋

啼鳥怱怱變物華
雨池科斗漸成蛙
青鞋謾踏閒邊草
白髮羞簪醉裏花
此日驂騑思首肯
當時鸚鵡喚琵琶

遙憐簫鼓追遊地
薺麥青青已沒鴉

漸老

漸老無營萬慮沈
鶯聲喚起向來心
春風顛似唐張旭
天氣和如魯展禽
結客每酬雙白璧
纏頭曾費萬黃金
短筇消得江村路
步步薺薇綠樹陰

荅李仲弘寫懷次韻

休對清江歎逝波
且拋簪佩著漁蓑
愁邊卮酒歡娛少
亂後文章感慨多
燕子綠蕪三月雨
杏花春水一羣鷺

聊將白髮歸來意總和東風懊恨歌

寄張學錄孟兼揭應奉孟同二文學

何用聰明萬卷書自須卑陋一廛居
草于閒處生偏密花到春深看漸疎
綠水滿渠澆藥後青山無數卷簾初
相過莫道柴門窄細柳高槐可蔭車

雨中獨坐有懷滎陽道中用寄潛齋夜坐韻

山色秋光澹遶齋雨聲蟲響互悲哀
清尊憐我攻愁去白髮欺人送老來
江柳淨無餘葉在渚蓮遲有一花開

馬蹄却憶成羣路野燒西風滿面埃

早秋江墅晚步

秋前秋後十日雨村北村南千頃麻晚渚芙蓉輕落片
午前秔稻細含花仙翁蠟屐高中幘溪女銀釵小髻髻
老我不知官府事水邊吟到日西斜

梅花

落莫香魂繞舊宮詎知色相本來空笛聲黃鶴高樓上
詩句孤山小店中曉樹輕霜千萬點晚籬松竹兩三叢

相思咫尺憑誰寄目斷天南字字鴻

桃花

深深翠竹映嬋娟湘女梳妝立曉煙流水落花成悵望
舞裙歌袖是因緣也無人折休相妬纔有鶯啼更可憐
却憶東闌碧千葉暖風香雨為誰妍

李花

憶與盧仝共看來花光月色兩徘徊江村遠處常相識
風雨寒時已早開霽雪玲瓏愁易濕春冰輕薄笑難裁

江城二月城西路誰惜柔香滿翠苔

寄諸葛同知彥飛

白髮慵梳步屨遲老于田野最相宜
每當酒熟花開日正值身閒客到時
雪屋夜燈因婦織月波秋舫為僧移
而今此樂同誰說只有鄉人馬遠知

豫章早春

茸茸草色變枯荑
簌簌寒梅落徑苔
山頂雪惟朝北在
水邊風已自東來
不須銀管催鶯出
便好珠簾為燕開

見說嶺南春更早桃花流水勝天台

浦口逢春憶禁苑舊游

春冰消盡草生齊細雨香融紫陌泥花裏小樓雙燕入
柳邊深巷一鶯啼坐臨南浦彈流水步逐東風唱大堤
還憶當年看花伴錦衣驄馬玉門西

省垣對雨有懷方負外

煮得新醅灑灑紅省垣誰與晚樽同人當暫別情偏惡
詩到無聊語更工江浦荷花雙鷺雨驛亭楊柳一蟬風

論文若到虞楊地應對清江憶范公

立秋日憶方員外

幾日西清晝掩扃綠塵幽藓遍閒廳
病中事少翻嫌健醉裏愁多只願醒
悞響閣鈴飛夜鵲偶攤書卷落秋螢
萍蹤已辨東西別風雨長更各自聽

謁小姑娘廟

月帔星冠敞翠屏白腮紅頰兩眉青
魚鱗小殿波紋滑龍尾長旗雨氣腥
巫女沈牛歌宛轉彭郎回馬拜娉婷

蘭舟願祝東風便一夜夷猶過洞庭

晚泊湓浦逢冷節

小雨籠陰護晚霞柳邊停棹聽啼鴉湖光已綠皆春草
風信猶寒是杏花到處青鞵隨蛺蝶誰家紅袖泣琵琶
息息客裏逢佳節那得行人鬢不華

舟中聞鄰船吳歌有懷幼文來儀

輕帆短櫂泝煙波疊渚回舟奈遠何一路詩從愁裏得
二分春向客中過江通漢水晴偏綠山入湘雲晚更多

何處思君腸欲斷
楚妃祠下聽吳歌

祁陽道中見海棠

桂陽江口望祁陽
疊疊煙雲入渺茫
高樹綠陰千嶂濕
野棠疎雨一籬香
縱無春在猶回首
況有鶯啼合斷腸
惆悵東湖堤上柳
暖風輕絮正悠揚

客中寒食有感

減衣時節正寒天
暫倚東風泊畫船
十里樓臺仍細雨
五侯池館又新煙
且簪楊柳酬佳節
莫對桃花憶去年

總是無情也腸斷鷓鴣聲裏又啼鵲

春日山西寄王允原知司五首

并序
錄四首

并州春半無花可賞追憶舊游情動于中因賦長
句五首公退之暇詠而味之庶幾春色之在目也
允原知司善詠詩者就錄以贈

十里煙光濕翠苔二分春色到花朝無人快擊華奴鼓
有伴同吹弄玉簫遍地錦圍歌處席滿身珠壓舞時腰
莫嗔老子疎狂甚曾醉揚州廿四橋

畫船搖槳蕩晴波步障圍風踏軟莎簫鼓隊衝黃鳥散
綺羅人比白鷗多不知酒與愁成敵長恨花為病作魔
回首六橋青草徧水光山色近如何

花時無處不黃鸝偏到垂楊著意啼人立晚風攜便面
馬臨春水惜障泥踏歌趁拍催腔急旋舞回身應節齊
遙想故山行樂地紫苔侵徧十年題

一莖白髮已堪嗟況是東風兩鬢華醉裏誤將裙作紙
老來羞以帽簪花疎狂不識眉雙結敏捷曾經手八叉

閒喜日長公館靜自分新火煮新茶

無題和唐李義山商隱

并序

嘗讀李義山無題詩愛其音調清婉雖極其穠麗
然皆託于臣不忘君之意而深惜乎才之不遇也
客窗風雨讀而悲之為和五章

一瓣芙蓉是綵舟
棹歌離思兩夷猶
風鬟霧鬢遙相憶
月戶雲窗暫留波
冷綠塵羅襪曉恨添
紅葉翠顰秋
雙鸞鏡裏瑤臺雪
任是無情也上頭

纔向瑤臺覓舊踪
曙鴉啼斷景陽鐘
薄施朱粉妝偏媚
倒插花枝態更濃
立近晚風迷蛺蝶
坐臨秋水亂芙蓉
多情莫恨蓬山遠
只隔珠簾抵萬重

細骨輕軀不耐風
春來簾幕怕朝東
人間玉宇三山隔
天上銀河一水通
眉暈淺顰橫曉綠
臉銷殘纈膩春紅
冰絃莫奏清商曲
滿地霜華泣翠蓬

夜合花邊待月來
宮中輾轆響春雷
笙調恨譜參差度
錦織愁紋宛轉回
樓上綠珠知報主
座中紅拂解憐才

傷心兩炬緋羅燭吹作銀河葉下灰

為雨為雲事兩難蕙心蘭質易摧殘
箏移錦柱秋先斷漏滴銅壺夜不乾
羅幕有香驚夢暖綺窗無月雁聲寒
芙蓉一樹金塘外只有芳卿獨自看

張羽

過吳即景

片帆迢遞入吳煙竹潄蘆汀斷復連
柳蔭濃遮官道上蟬聲多傍驛樓前
近湖漁舍皆懸網向浦人家盡種蓮

行到吳王夜游處滿川芳草獨堪憐

首夏閒居

門巷閒臨曲水濱綠陰悄悄四無鄰
雨餘高笋初迎夏風逗殘花尚駐春
倚杖多因聞好鳥開樽每為愛幽人
疎簾清簟終朝靜只有琴書自可親

川上暮歸

此地頻經畫舫過暮歸元不畏風波
煙中漁網懸楊柳浦口船燈照芰荷
歸鳥去邊行客少夕陽盡處亂山多

此時詩思渾無賴
聽得前溪子夜歌

秋日郊居

蕭蕭晴日戶庭幽
無數青山枕碧流
白露雨餘砧欲動
黃花風冷扇初收
雲迷征雁牽秋夢
煙引寒蟬急暮愁
此際不堪搖落恨
蕭蕭如雪滿汀洲

秋日登戴山佛閣

風物澄明宿靄收
登山欲盡更登樓
一行白雁投南下
百道清溪向北流
野嶂雲歸初歇雨
湖田稼熟始知秋

金
卷六十九
空門寂寂無塵事
騁望端能散客愁

歲暮山居

寂寂閒居隱翠微
蕭蕭寒日映柴扉
葉聲亂響莓苔屐
雲氣時生薜荔衣
雪滿石牀門閉早
草侵棋局客來稀
歲寒正好看書卷
不用登高怨落暉

行藥過西庵

白日都消筆硯閒
偶因行藥到松關
秋聲不盡蕭蕭葉
夕景無多淡淡山
蛩響寒齋僧自定
苔荒深院客常閒

已知身世俱成幻莫歎西風鬢易斑

僧居寒夜

山館蕭條寢復興經聲遙出最高層客愁無伴依童子
禪學多難憶古僧堦下鳴蛩沿定石竹間棲鷁避懸燈
遠遊亦有幽居志擬絕塵緣愧未能

寄王止仲高季迪

祇恨孤城未解圍圍開番遣別相知夕陽江上息
酒細雨燈前草草詩有夢直從花落後無書空過雁來時

郭西古寺題名處今日重遊却共誰

唐叔良溪居

高齋每到思無窮門巷玲瓏野望通
片雨隔邨猶夕照疎林映水已秋風
藥囊詩卷閒行後香爇燈光靜坐中
為問祇今江海上如君無事幾人同

寄梅雪

聞說公亭傍水開黃茆為瓦不須裁
商船無數青山繞書案尋常白鳥來
已信漆園非俗吏誰知關令是仙才

煩君莫抱窮途恨萬事都將付酒杯

送張憲使之江西

燕子歸時却離家洪州迢遞隔天涯風帆落浦朝投驛
江火明隄夜探沙客裏寄書逢驛使幕中提筆待霜衙
來春我亦尋歸棹約爾南湖看杏花

同安阻雨

出旬方到同安郭水驛春寒懶放船白浪翻江風愈壯
黑雲粘樹雨長懸峰頭僧磬惟聞響沙口魚罾已罷牽

寄語羣鷗莫相狎只今無暇與攀緣

春園漫興

水漫芳塘生暖波松間蘭若散鳴珂題詩故欲愁花鳥
避酒還能憶薜蘿煙柳萬條供妙舞風鶯百轉當嬌歌
醉斜烏帽歸來晚一路花飛撲面多

曉過淮陰

軍城鐵鎖曉開闕使節星馳未敢閒淮水東流應到海
瓜洲北去少逢山行人欲斷寒煙外遠燒時明亂葦間

却憶帝城風物盛，禮成須及上春還。

寄南屏渭長老

蒲室傳心第一宗，老尋古剎寄行踪。
貫花偈就人爭寫，壞色衣穿自懶縫。
案上梵經皆貝葉，手中談麈是青松。
何年惠遠重開社，來聽東林寺裏鐘。

重過蜀山徐幼文隱居

憐君舊隱此林間，一去神京未得還。
獨客重來多白髮，故人不見只青山。
前古樹曾維艇，雪後高齋幾扣關。

何日能除簪紱累暮年相約共投閒

訪許文學不遇

杖策思尋半日閒偶隨流水過前山林中不見童迎客
竹外惟聞犬護關道服自懸虛牖下茶中空挂夕陽間
到門不遇君攜手惆悵荒邨暮獨還

贈彈箏人

先輩曾將舊曲傳纖纖銀甲更堪憐清和未數湘靈瑟
哀怨渾同蜀國絃鶯弄晚風啼復歇雁飛秋水斷還連

坐中北客聽來少暗想當時一惘然

贈鄭邴文

兩鬢星星小幅巾蒼松氣節鶴精神居常倒屣迎佳客
貧不將詩謁貴人踏雪抱琴梅嶼曉典衣沽酒柳橋春
若非道眼高明者誰肯甘心寂寞濱

金華道中送鄭邴文東歸

柳絮飛飛共語離尊前會面定何時交情冷淡孤衷在
世味辛酸兩鬢知春水亂灘船下疾曉風殘月酒醒遲

湖邊鷗鷺休相笑，破篋無錢只有詩。

金陵道中

孤舟曉出古關西，江樹蕭疎遶壞堤。
七里岡前寒雪霽，三茅峯頂暮雲齊。
酒家寂寞人稀醉，車馬縱橫客易迷。
迢遞漸看宮闕近，月明時聽夜烏啼。

揚州道中

馬頭津口足風波，歲晏遙乘一傳過。
南渡客來多漢語，下江船去半吳歌。
蕪城總入新編戶，瓜步斜連古漕河。

何處吹簫明月夜
野田茅屋曉煙多

閩中春暮

吳山入夢驛程賒
身逐孤帆客海涯
九十日春多是雨
三千里路未歸家
桺榔土潤蠻煙合
楊柳江深瘴霧遮
倚遍闌干愁似海
杜鵑啼過木蘭花

燈花

畫堂銀燭映歌鐘
醉眼俄驚火樹紅
白玉屏深留晚艷
絳紗籠暖護春叢
闌干清淚非因雨
狼籍殘煤總為風

更憶禁垣歸路靜金蓮隨馬散文虹

送蓮社陸道師歸鏡湖別業

一錫橫飛下鏡湖頭顧老去世緣疎庭栽竹少堪容鶴
池種蓮多不礙魚滿室香雲經盡後半窗明月定回初
陶潛懶入東林社在在青山可結廬

春雪

不肯呈祥向牕前却來迎瑞入新年鬪妝已落梅花後
學舞還居柳絮先久積自迷芳草地易消應避艷陽天

遙知大輅躬行處共賀瑠瑤滿舜田

寄紫金院喜性二衲

精藍西畔接城闌野水交流絕四鄰過去真僧留半偈
浮來古佛見三身夜深門有聽經虎歲稔廚多施米人
遙憶兩禪相對處儼然無著與天親

送蕭縣丞朝京

天官妙選待才賢茂宰清名衆所傳漠漠去帆衝暮雨
蕭蕭行李似當年逶迤客路趨京口迢遞王城在日邊

為說烏程民吏待金陵酒美莫留連

徐賁

次高二季迪留別韻

柴門村徑帶溪橋來往因君豈憚遙
淺水不波仍漾漾疎林無雨自蕭蕭
檣留夕照人將別江作新寒酒易消
明日秋風重悵望還將離思托歸潮

送張山人還天平

幾欲求田負舊盟羨君西崦草堂成
每緣種橘多開地

獨為修琴始到城黃葉已先霜降落白雲長在雨餘生
龍門林屋無多遠此去尋幽莫計程

次韻金子肅卜居

君家茅屋去村西地接湖渠水上畦黃菊遍生風掩戶
綠萱新長雪消泥酒香門客船中送詩好鄰僧院裏題
誰道亂離無樂土此鄉還自有安棲

遊張林山

偶為尋花到竹西兩山雲氣接高低午煙僧舍林塘宿

春野人家草樹齊
水鶴晴時行麥隴
園蜂暖處識蘭畦
自憐遠地歸來後
纔是登臨便感悽

園隱圖送方以常

曾聞學圃成高隱
今日攜書是宦遊
隔屋尚通分溜覓
傍溪空覓看花舟
松檉盡作鄰僧供
芋栗還憑野老收
後夜月明江上夢
應隨歸鶴到林丘

登廣州城樓

五嶺南來瘴海深
秋風榕葉尚陰陰
安期一去家遺鳥

陸賈重來索有金門掩虎頭潮上下城開雁翅客登臨
清時不用頻興感萬里惟存向闕心

晚過廣福精舍訪傳上人

水陰山色晚依微松映禪房竹映扉幽鳥不緣留客語
閒僧方自施經歸移來片石安茶器分得孤雲補衲衣
杖履不嫌頻過共道心久與世相違

詠雙頭菊

籬落花開並蒂黃相依不是競秋光情親共冒重陽雨

志傲同凌十月霜莫道寒英為獨秀
須知晚節有聯芳
譜中異品誰能及只合題名作棣棠

送日本僧

萬里扶桑曉色微
海天闊去人稀
木杯不用隨潮度
金策惟應向日飛
去路猶餐中土飯
到家重著故鄉衣
國人應問如來法
帶取西天貝葉歸

王行

次韻楊孟載見寄

懷刺歸來卧枕書白雲滿榻閉門初草玄未信揚雄病
禮法從知阮籍疎短障夕陽悲蟋蟀方塘秋水老芙蓉
南村口燥呼難得一任狂風捲敝廬

次韻高季迪見寄

廿載誰詢獨處情翛然江郭養餘清老顏照水同梅瘦
短髮臨風鬪雪明寒雁聯行輕落渚晚鴉結隊遠歸城
怱怱歲暮相思切又尋沙塘折簡行

題雲林畫

每看新圖憶舊遊
遠情閒景共悠悠
亂鴻沙渚煙中夕
黃葉江村雨外秋
病後得安翻訝夢
醉來因感却生愁
那能便結滄洲伴
重向煙波覓釣舟

呂敏

再寄高季迪

空谷白駒那可羈
高踪祇欲慕天隨
吳江日去應無恙
甫里春來定有詩
花憶杏園攜酒日
雨思山館聽鶯時
去年亂裏從遊處
肯信于今又別離

樂韶鳳

辭朝

壯年扈蹕侍龍顏
幾度承恩虎豹關
環珮陞辭人似玉
旌旗堦引象如山
忠勤戀主心猶赤
潦倒還鄉鬢已斑
明日淮西瞻望處
九重宮闕五雲間

滕毅

采石

騎鯨仙人海上歸
至今草木猶清暉
千山落日送樵笛

萬里長風吹客衣
春色蛾眉浮翠黛
夜光犀渚沈珠璣
神遊故國應過此
高冢臨流知是非

楊訓文

寄石仲文

故人別後復如何
不寄新詩到薜蘿
賈誼書成何日上
張衡愁比向時多
江城木落霜連地
澤國天寒水不波
重約明年秋八月
紫薇花底共鳴珂

魏觀

早朝奉天殿

旭日瞳瞳啟奉天
百寮雲萃武樓前
青松綴玉傳甘露
紫筍浮花淪醴泉
多士聽宣魚貫入
諸侯分直雁行聯
白頭謬忝儒紳後
大本先容赴講筵

二年十一月和暖如春
上游觀上苑召侍臣危
素宋濂詹同吳琳及觀
等賜宴于奉天門東紫
閣蒙御製一序賜之曰
卿等各賦一詩以述今
日之樂觀詩曰

深冬晴暖動逾旬內苑游觀詔侍臣
五色慶雲開鳳尾
九重麗日繞龍鱗
和鸞喜奉彤車御
式燕慚叨紫閣賓
淑氣已從天上轉
人間無地不陽春

大本堂二首

翠葆歲蕤九鳳旗
東華遙望立多時
都堂啟事貂蟬集
率衛輪班虎豹馳
月繞珠簾陞講席
花迎金輅肅朝儀
六王炳炳前星後
珠緯聯輝上玉墀

六齋帝子聯龍袞
三島神仙列雁行
繡轂青鸞金羽蓋

錦韉白馬紫遊韁御溝細柳雲生暖禁籞飛花雨送涼
鄭國書聞能一一玉鑪清晝為分香

大將軍徐丞相平定中原振旅還朝上御龍江
亭命儒臣賦詩迎之應制一首

白旄黃鉞兩京平甘雨和風四海清師出萬全非用武
將資三傑在推誠蒼龍挾雨迎車騎彩鳳穿雲送旆旌
獻頌偶蒙天一笑行看作樂著功成

鄭國公常茂等授經大本堂

鄭國蘄侯弟子羣儲闡時得奉殷勤宮花細浥研朱露
禁柳微濺灑墨雲御氣日從雙闕望書聲時徹九重間
楚王可是推仁愛臨帖常容半席分

舊大本堂

玉署儲書紫禁東宛然麟鳳穆清風雲開奎壁千光合
日射蓬萊御氣通炬炳蓮花歸學士燈然藜杖致仙翁
詹吳宋樂皆時彥譔述承恩晝夜同

熊鼎

上巳日浴溫泉

驪山宮殿鎖溫泉
天寶遺踪故宛然
繡谷春融丹井火
金波月滿鑑池蓮
玉顏承寵專恩澤
翠輦來遊憶暮年
我亦逢時修禊事
白頭空負麗人天

鎬崧

寄范實夫

細雨柴門生遠愁
向來書帖若為酬
林花落處頻中酒
海燕飛時獨倚樓
北郭晚晴山更遠
南塘春盡水爭流

可能相別還相憶莫遣楊花笑白頭

次韻奉寄孟浩彥洪

幽人共愛溪邊住舍北舍南春水聲開徑不嫌時獨往
到城應許日同行亂雲長共青山黑白鳥偏依綠樹明
無限客愁誰斷送攜壺長擬就君傾

春日奉次羅肇簡鄭同夫

不見故人心惘然也應無賴枕書眠閒尋碧草日又暮
盡落桃花春可憐雲隔數峰歸雁後水生三峽亂帆前

客懷慰藉思傾倒，衝雨能來白馬羈。

雲亭蕭氏園池雜興次韻

竹底雛鶯盡日啼，水風涼動小池西。
麝香眠處殘花落，蛺蝶飛來碧草齊。
二水風鳴相佩合，三山雲壓楚鬟低。
冰盤宴客清陰裏，次第詩成石上題。

入城

江水依然抱石磯，獨行空感舊游非。
晚山當戶日初落，秋草滿城人未歸。
田鼠引羣穿井出，山雞求食傍簷飛。

向來車馬東門路忽憶朋游淚滿衣

喜家僮至

西行幾日離柴扉還說來時燕子飛日射水田荷葉暗
雨浮山隴豆花肥池魚吹水春萍薄野鳥窺巢夏果稀
早晚歸來酒應熟便攜稚子笑牽衣

訪王子讓大村幽居借書戲題壁間

村前流水宛如環村後荒城隱可扳當戶雨苔雙石峻
隔江煙柳數峰閒杖藜麥隴秋霜後尊酒茅堂夕照間

聞有古書人少見柴門客去又長關

寄萊州太守趙圭王

憶在兵曹三四年君留東署我西偏
檢書清夜燃官燭沽酒常時數俸錢
借馬獨行緣送客聞雞相喚去朝天
論交亦有胡兼許此日天涯各惘然

入東坑

東坑石路入雲堆東岸人家倚岸隈
半沿紫萍風乍過一林黃葉雨初來
澗寒野鳥還爭聚山暖巖花只自開

却望松楸生暮色重來惆望使心哀

過湖口縣

佛子磯頭遡客舫南湖高柳記沙汀水分彭蠡溶溶綠
山送匡廬冉冉青雨過人家收鴨早日高網戶曬魚腥
故園此去猶千里安得乘風破杳冥

寄鐵柱觀左鍊師

紫霞樓上左仙翁還在南塘住玉隆飛闕虛鳬雲影外
亂山騎虎月明中銅駝荊棘秋風落鐵柱波濤海氣通

別後玉簫渾少聽令人長憶萬年宮

秋日過汶溪義塾承蕭國錄有詩謹用奉荅

汶溪新製小茅堂也種山楸間水楊舍近雞豚還共食
春來魚鳥自相忘松陰客去書連屋花底鶯啼酒滿牀
却憶東華聯轡出午門霜月漏聲長

雨夕東鵬舉

入春已過五十日晴景都無三四朝雲去雲來山杳杳
花開花落雨蕭蕭青絲送酒銀鉸暗彩筆題詩絳蠟消

東嶺幾時明月上曲闌芳樹聽吹簫

舟次樵墩憶故人鄭同夫

浦口維舟日欲晡柳村桑塢帶縈紆獨尋古道黃埃滿
忽憶故人秋興孤螺蚌盡供溪女拾雞豚偏稱野人呼
西山隔水清如玉誰與題詩送酒壺

漫興

山下碧溪渾欲平溪邊春事總闌情定巢新燕忽雙過
隔水雛鶯時一鳴凍入秧畦愁近雪光涵風浦愛新晴

南園草綠無人到應是滿林春筍生

客情

清明已過寒雨稀客情物色共依微
庭前幽草忽如積江上落花渾欲飛
風雲慘澹隨長戟塵土蕭條上短衣
雲亭江上麥田熟昨夜月明還夢歸

將歸南平發舟戲賦

梅演山前聞雁來珠湖渡口放船回
晚雲出嶺作疎雨秋水滿江生綠苔
故里風煙頻入夢中年世事獨興哀

飄搖莫戀詩千首
斷送深憑酒一杯

秋日承廬陵曲山蕭壽春過林居臨別賦贈

秋露滿林桑葉飛
遠煩江上問柴扉
青山古道獨行晚
白髮故人相見稀
細雨高原禾黍熟
斜陽疎樹橘橙肥
殘年甚欲留君住
何事驪駒只賦歸

萬白

秋興

北郭垂楊日夜凋
清秋登望旅魂消
平生江海同浮梗

何處林泉可棄瓢
奔走風塵雙鬢改
羈棲戎馬一身遥
數奇李廣蕭條久
短服轅門獨射鵰

黃肅

客中春懷

竹裏山雞啼未休
江南二月景如秋
半簾花雨寒欺袂
一片江雲晚傍樓
亂世青春如過夢
少年華髮忽盈頭
故園動是經年別
滿眼干戈添客愁

牛諒

破窗風雨圖

風雨東南接漏天
客窗吹破碧紗煙
十年世事關心曲
一片秋聲到枕前
花落不妨尊有酒
客來未覺坐無氊
老子曾覓蘇端隱
藜杖春泥綠水邊

朱夢炎

和顏子中韻

曾折蟾宮第一花
西風吹袂向天涯
班生萬里空投筆
漢使三秋獨泛槎
朔漠離愁成白髮
南州鄉夢起清笳

歸來恥學梁江總只傍青門學種瓜

寫韻軒

掌籍江河誤泄機幾年謫降學書癡晴窗滴露花搖席
午夜揮毫月滿帷綰得春風留鳳帶畫殘秋水照蛾眉
從今了却人間事一曲鸞簫跨虎吹

錢塘二首

萬戶煙銷一鏡空水光山色畫圖中瓊樓燕子家家酒
錦浪桃花岸岸風擢轉舞衣凝暮紫簾開歌扇露春紅

蘇公堤上垂楊柳尚想重來試王驄

吳越山川勝槩多綵雲樓觀鬱嵯峨晴嵐日照芙蓉影
細柳風生翡翠波楚客移舟時見問吳姬抱瑟肯相過
片帆明日江東去尚憶尊前對酒歌

李質

玉臺驛亭子

春去臺空迹已陳危亭傑出湖之濱清溪繞屋可濯足
好鳥隔江如喚人明月委波金潋滟青山帶雪玉嶙峋

桃花流水非人世或有漁郎來問津

吳雲

送李民瞻侍郎宣諭陝西

侍郎將命出金鑾道路傳呼遠近歡關內官曹迎使節
秦中父老識衣冠雲開太華三峰秀水繞黃河九曲寒
寄語渭川千畝竹西風還解報平安

李克正

送呂君采史北平

八月烏啼海子橋南來使客下青霄雲埋石室丹書在
日落延秋翠輦遙麟史未全歸聖代龜文猶得認前朝
詞臣載筆需文獻莫遣回車久寂寥

桂彥良

送田仲茂宰入四川

天門傳制拜新除西入成都萬里餘江上好風催去棹
邑中故老候來車巴園五月收丹橘丙穴三春饌白魚
却憶文翁遺化在可因公暇說詩書

丘民

送友之杭

又隨南雁度錢塘
不道并州是故鄉
江上秋風蓴菜美
山中春雨石田荒
杜陵老去寧忘蜀
江總歸來不是梁
欲采芙蓉贈君去
錦雲零落倍淒涼

孫作

送徐總管入杭

霸陵人憶舊將軍
細柳堦前葉又春
萬里北風歸化鶴

十年西地見騎麟卧聽簞簞滄江迴醉草烏絲畫戟新
駿馬好陪丞相後竹枝歌吹遶湖湄

酬蔣逸人連日觀花之會

照坐金沙笛裏開青春兩度為花來紅妝初見三千指
錦繡重添一萬堆細雨流霞移曲檻東風落日坐平臺
深紅淺白俱情稱醉後題詩記此迴

送杜孝廉往句容

江東勝地壓西浙句曲山傳天下稀林間風生一虎過

石上月明雙鶴歸我擬華陽裁白恰君如菜子奉斑衣
日長縣幕娛親地小轎疎櫺入翠微

董紀

海屋為異古鼎賦

海上高僧屋數椽珊瑚碧樹繞堦前過橋雲磬天台寺
泊岸風帆日本船龍女獻珠來供佛鮫人分席與參禪
百年劫數如彈指眼見桑田幾變遷

謝肅

長安壩

海寧州西來往頻長安壩上最傷春東風桃李非無主
歸燕樓臺不見人天末雲帆隨望遠雨餘芳草喚愁新
故鄉門巷干戈底越客相逢話是真

唐肅


抵瓜洲

春雨春潮撼客懷舟中十日九陰霾江名天塹元通蜀
地入瓜洲始接淮我笑銀杯能羽化君看寶劍或塵埋

明朝又過揚州去無復瓊花舊觀碑



御選明詩卷六十九



總校官庶吉士臣侍朝

校對官檢討臣蕭九成

謄錄舉人臣傳環芳

欽定四庫全書

集部

御選明詩卷

七十一

詳校官原任主事

臣李斯咏



欽定四庫全書薈要卷一萬八千五百七十

集部

御選明詩卷七十

七言律詩三

藍仁

九日西莊懷弟

衰年無力遠登臨
短杖扶持叩竹扃
雨過林間雙澗碧
雲消天際一峯青
黃花寂莫增詩瘦
白髮淒涼畏酒醒
心把茱萸思骨肉
鴈聲孤起夕陽汀

寄張兼善

故人卜隱依山寺野老遷居到石村
濁酒近筭謀共醉新詩未穩許同論
南風吹笋初成竹宿雨移松已引根
肯向草堂尋杜甫百年地僻有柴門

病起偶成

春來春去總匆匆九十光陰卧病中
緩步也愁平地險加餐不與去年同
生憎野草侵堦綠可惜殘花過眼空
昨日鄰童偶相值不知何處一衰翁

寄雲松

雲松隱者巢居處上有屏山下藉溪花徑夕陽眠鹿豕
釣磯春雨集鳬鷺十年種朮春林遠萬卷藏書草屋低
久欲相從叩羲畫負苓長往碧巖西

梅村與雲壑會宿

清泉白石趣難忘又得春前會草堂對酒先拚今夕醉
題詩還倚少年狂山林寂莫形容老冰雪間關道路長
共愛雞鳴聽山雨後期何處更連牀

雲壑寄惠黃楊木簪并詩

黃楊為木至精堅寸榦三春長未全偶乞餘材簪短髮
兼煩佳句寄衰年簪冠不用傍人正櫛笠還宜覆頂圓
慚愧病軀梳沐少鬢鬆雙鬢日高眠

述懷

衰年無思獨栖栖月旦何勞更品題自古冥飛知避弋
從來世事笑吹齏階前野雀雞司食谷底芳蘭棘自迷
天末數峰猶在眼微陽隱隱暮雲西

謝劉蘭室見惠網巾二首

故人于我最相親，分惠青絲作網巾。
鏡裏形容加束縛，眼中綱目細條陳。
少遮白髮安垂老，轉襯烏紗障俗塵。
更與簪冠藜杖稱，世間還有葛天民。

故人念我鬢毛疎，結網裁巾寄敝廬。
白雪盈簪収已盡，烏紗著紙畫難如。
門臨寒水頻看鏡，籬掩秋蓬不用梳。
昨日客來應怪問，衰容欲變少年餘。

藍智

秋夕懷王長文

月落秋山夜正中飛雲寥落海天空攬衣誰念聞雞舞
拔劍終期汗馬功河漢星辰連北斗兼葭霜露滿西風
憂時王粲頭如雪却憶登樓賦最工

答蕭子仁

每憶詩篇共討論更煩書札致殷懃西風一夜蕭蕭雨
落日三山渺渺雲碧海魚龍秋正蟄空江鴻鴈夜多聞
茅檐寂莫黃花晚欲采寒香遠寄君

林弼

答牛士良典簿

海國秋風客鬢華，遠來共駕指南車。
越裳方物供周室，趙尉提封入漢家。
裘馬清狂成舊夢，斗牛空闊接仙槎。
扁舟準擬同歸去，明月洲前蘆荻花。

用貢泰甫尚書韻贈別吳君濟掾史

東風蒲柳滿江津，盃酒離亭暫別君。
春事又隨紅紫老，人生每似燕鴻分。
榕亭雨過聞鶯語，桑海天青見鶴羣。

東府仙人應握手三神高處望紅雲

張紳

湖中翫月

銀波千頃照神州此夕人間別是秋地與樓臺相上下
天隨星斗共沉浮一塵不向空中住萬象都于物外求
醉吸清華遊碧落更于何處覓瀛洲

送勤上人歸靈鷲山

靈鷲禪房我所思可堪春晚送勤師亂山啼鳥煙霞裏

一路落花風雨時
定有猿看窗外果
應知苔護壁間詩
門前有徑通三竺
欲向中天采石芝

游冶城山

瑶草秋深石磴長
半空嵐氣濕衣裳
江山佳處一亭古
風雨來時四座涼
陰洞水腥龍蛻骨
仙巖雲暖麝生香
道人好護新松樹
長見清陰覆御牀

練高

送趙將軍

崆峒一劍倚秋陰誰識將軍百戰心老去功名餘白髮
閒來歌舞散黃金呼鷹大澤風竿勁射虎南山雪羽深
敲缺唾壺銀燭短時人不解隴頭吟

送張起潛之柳州

潯水環城擁翠來柳陰府署倚雲開唐祠有食歌丹荔
漢柱銘功篆綠苔日落雷塘龍霧合虹消桂嶺颶風回
南行無鴈音書少別思綿綿不易裁

送雲南教授劉後耕

見說思陵過五溪熱雲蒸草瘴天低星聯南極窮朱鳥
山抱中流界碧雞首宿照盤官況冷芭蕉夾道驛程迷
巍巍堯德元無外未必文風阻遠黎

王佑

次梧州

蒼梧平遠水如苔日出官船盪槳開五筦江從南海去
九疑山跨道周來乘槎蜚戶緣流住輸粟徭民出峒回
聖代分巡方遣使咨詢敢憚徧蒿萊

荆南舟中寄華容孫景賢

故人不見十年餘
聞就華容早卜居
湖上屢停千里棹
嶺南不寄一行書
別來每恨知心少
老去翻令會面疎
題句荆南煩去客
早春問信向茅廬

張恕

無題四首

銀屏曲曲掩秋塵
何處車聲五色麟
飛燕曾為掌上舞
崔徽不及卷中真
蕙花清露紉成佩
菱帶文波繡作茵

獨倚疎桐無限思
盡憑雞卜問江神

一夜冷風入翠幢
夢魂長是繞湘江
香螺脫靨煙生幄
豆蔻含胎蝶滿窗
碧袖苔空雲雨斷
絳河星動女牛雙
牢愁得似秦城遠
幾日重圍未肯降

果惡涼月午陰移
漠漠重簾怨阿螭
竹泣啼紅猶染淚
藕分纖碧尚牽絲
題封欲寄金條脫
叔子休彈玉局棋
惆悵章臺南畔柳
何人折盡最長枝

新水流雲滿綠臯
畫橋微步聽黃袍
空傳解佩酬交甫

只惜能詩似倩桃柳色障塵侵小扇荷簫含雨沁香醪
蛾眉老去都陳迹懷古懷春謾自勞

劉三吾

餞周左丞

從戎江漢亦多年又領王師過極邊已展召公新土宇
載開馬援舊山川諸生俎豆陳兵後父老壺漿拜馬前
最是老儒淹滯久乞將骸骨早歸田

寄家

離別家山已數年故園桃李想依然東風客外歸心切
落日雲邊望眼穿龍虎衛前花夾道鳳皇臺畔水連天
丁寧為護溪邊石留取歸來繫釣船

吳琳

開化道中

重岡狹路倦登臨喜見溪流華步深楊柳樹邊舟小小
海棠花上雨沉沉一春王事過三月千里家書繫寸心
無補盛時縻好爵不才端合老雲林

許伯旅

歲暮有懷在京諸友

歲寒誰製女蘿衣回首天涯生事微
帶劍不辭屠狗辱讀書空媿斲輪譏
丹丘雲樹三江隔白下鱗鴻十月稀
聞說五湖春色起棹船却欲話南歸

春懷潘松溪先生

壯日劬書盡五車板龍曾上太清家
老歸栗里唯耽酒官滿河陽尚有花
歲晚驂騑知道路天寒鴻鴈啄汀沙

英賢出處關機運亦欲東溟理釣槎

秦約

送殷孝章之咸陽教諭

西上長安跋涉勞三千里外朔風號地連渭水秦川近
山接終南泰華高故國總消龍虎氣斷碑猶打駱駝膏
一官莫笑儒林選曾奉琅函覲赭袍

韓宜可

題蓬萊深處

聞道蓬萊別有春五雲深處隔凡塵松迷鶴徑渾無路
花暗簫聲不見人滄海日華翻貝葉三山霞氣逐飈輪
劉郎自是神仙侶何用天台更問津

五華山圖

五華之山山上頭俯視東海如浮漚豈無四萬八千丈
亦有五城十二樓翠葉影落中天曉玉柱光含大地秋
何日相從陪杖屨西風林外一長謳

陶誼

湛上人種秀樓詩樓在四明東湖上

百尺樓居聳碧霄天開圖畫足逍遙一帆春雨來湖口
兩岸青山落樹腰夜坐翻經香欲冷詩成倚柱酒微消
東還擬遂登臨興慚愧無才趁早朝

張適

送友人之邵武推官

遨遊京國歲華侵一命南還雨露深囊裏尚存言事藁
牀頭已盡結交金晚雲零落同官況秋水微茫亂客心

到郡縱知懷故舊地遙無鴈寄新吟

江館

黃葉孤村逕路遙時來幽客伴蕭條一簾林影雲生樹
滿屋江聲雨送潮衲子說因徵往世鄰翁觸事話前朝
此鄉喜得離喧雜自分從漁更學樵

對雨

住近南塘柳蓋扉涼風送雨薄絺衣檐花暗應鄰春下
沙鳥明隨估舶飛蝸篆登牀延筆格燕泥上壁汙琴徽

蒼苔駁石林間路一月春陰客到稀

董山人來白田為寄高季迪詩賦此贈別

江榻雲花散復凝水禽爭語即晨興
正當送客南塘路更擬酬詩北郭朋
渚柳風生煙縷縷漁磯潮落石層層
荒村迎送還難免泯迹山深恨未能

立夏日晚過丁卿草堂

江上茅堂柳四垂又逢旅次過春時
雨多苔蝕懸琴壁水滿蛙生洗硯池
風浦蕭蕭帆過疾煙空漠漠鳥來遲

避喧心事何人解窗下幽篁許獨知

次韻高槎軒燕集之作

江郊風景頗深幽偶此拏舟得載遊
新草路迷誰辨樹舊磯波煖共尋鷗
學人渚燕頻來往似客汀雲任去留
醉裏有懷空悵望淡煙斜日滿青丘

喜晴

風生柳港雨晴初塵鞅何曾識我廬
燕蹴落紅沾几席日移嫩綠上琴書
傷春未許樽無醕留客尤憐饌有魚

自覺歸田便野性不妨竟日帶經鋤

過朱卿宅

斜日疎林獨杖過避人歸鳥拂煙蘿
居瀕東海知潮候門對南湖解棹歌
烏桕樹紅霜落早白蘋花老鴈來多
悲哉宋玉空愁絕矯首西風兩鬢皤

病後

支離病骨不禁風茅屋秋深水國中
短髮因吟多日白衰顏得酒暫時紅
交飛柳巷將歸燕亂暖湖天欲下鴻

秋興幾篇誰為稟阿戎爛爛未知工

山中春盡

蘿磴松巖百摺斜清溪窈窕有人家樹深風送還山鶴
石上泉流出洞花就竹編籬防早筍當窗出火焙新茶
門前過澗崎嶇路安得能來長者車

馬治

與華景彰遊惠山

華陂春水綠漪漪二月西山雪後時舊宅重尋孝子傳

新年又赴故人期，鶴鳴竹日當窗澹。僧定茶煙出閣遲，
我欲同修清淨業。泉頭來記四賢祠。

寶粹二上人值雨留宿西澗草堂明日賦此以
贈

相訪竹林茅屋下，不因風雨豈留連。棲遲尚辱諸公問，
來往深慙二子賢。落葉下山逢虎跡，疎鐘隔水見人煙。
舊遊空憶錢塘去，聞道如今異昔年。

食茯苓粥

頗聞學士防風粥曾喫詩人錦帶羹豈謂茯苓宜歲晚
已收秔稻得霜晴風塵習漫從教洗禽鳥形殘不忌烹
飽食未須論月給石杉偕坐聽松聲

因泉公歸簡王二秀才

泉公相見即言歸因憶王生住翠微詩卷或留禪榻畔
酒船還傍釣魚磯春來物色偏愁思老去人情願息機
欲折芳馨遺遠者勞心東逐片雲飛

次韻酬履道雨後偶題

竹裏新泉繞屋除長年吾得樂閒居道心淡泊諸塵外
山意微茫邃古初風雨滿檐松子落夕陽穿樹橘林疎
可憐原憲閒來往猶自生涯不廢書

縱筆一首次履道韻

多羅樹下昔徜徉塵世歸來已渺茫猶有狂吟一百首
逢人大笑億千場西風雪氣紛紛白夜雨河流混混黃
忽對青山嗟歲晚知君縱筆興難忘

盧熊

寄朱伯盛

白首耽書更不忘
鵠文蟲篆爛生光
高人為賦我冠石
太史曾題琢玉坊
野屐踏雲閒看竹
春簾凝霧靜焚香
別來又汎松陵棹
渺渺輕鷗江水長

朱熙

玉山草堂

玉山主人清且妍
標格噉噉人中仙
對花時復得詩句
愛客每能揮酒錢
寒燈巢雪歌暖響
春水桃源放畫船

我將載酒即相覓與爾醉倒薰風前

王敬中

南湖齋居寄友人

山寒夜透青綾被海日朝明白玉珂
隱几不知春已晚停杯驚見落花多
旃檀香裏來僧梵楊柳橋邊起棹歌
咫尺湖光不相見竹林琴調近如何

贈周元初尊師

元都道士身如鶴長傍青松寄此生
夢破九霄風雨急

神遊八表雪霜清瓊筌每應秋聲起縞羽微連夜色明
我欲相從拾瑤草漫山落葉斷人行

張輅

贈陳士寧

橫溪別業錦雲鄉紅白蓮花薜荔牆百事不關心獨靜
孤雲無著興俱長佳人雪藕供微醉童子分茶坐晚香
如此好懷誰解寫詩成還讓孟襄陽

錫炳

簡戴彥碩

故人結得草堂低老圃連城近市西碧注硯池荷葉露
紅黏屐齒杏花泥書懸牛角朝耕地飯餉魚苗晚灌畦
只恐長安雲路近馬蹄催夢聽朝雞

早春呈吳待制

上林春早陌塵香紫禁觚稜射日光新綠御河搖柳黛
小紅宮樹試桃粧山連曉氣蟠龍虎臺枕東流憶鳳皇
心折故園幽興獨尋僧看竹過鄰牆

春寒寄魏居敬

上苑春寒花信遲，東風不放鎮帷犀。
柳塘沙冷迴鴛夢，草閣梁深落燕泥。
苔蝕井楣蝸觸角，篝連香炷麝凝臍。
典衣剩欲消塵鬢，暖日城南信杖藜。

寄賈文彬巡檢

故人為別動經春，野渡維舟送夕曛。
銀燭照窗秋聽雨，角弓懸壁晚看雲。
山城旗影中流見，草閣書聲隔岸聞。
江漢茫茫多舊識，猶能俎豆說將軍。

文樓早朝東程邦民諸公

紫禁觚稜曙色微
五更三點聽朝雞
門開鳳闕鳴鞭肅
駕備鸞輿簇仗齊
玉座袞衣銀燭爛
金罍湯餌翠簾低
小臣簪筆還朝晚
路繞芙蓉小苑西

與子昇弟觀捕魚

柳條風脆已梳黃
潮落溪毛石露梁
帆脚壓霜寒撒網
舵牙移月夜鳴榔
載車有獵曾占渭
鼓枻無歌豈濯湘
又得錦鱗長尺半
鄰翁新酒正吹香

寄表弟朱永容永賢昆季

渭陽河畔畫樓西
紅粉闌干柳樹齊
窗底折花騎竹馬
街頭籠草鬪山雞
銀屏褥穩鴛鴦並
綺戶香凝翡翠栖
回首繁華成舊夢
對牀今雨不堪題

郭奎

中酒

春來中酒朝朝病
擁被高眠懶出門
草沒漸迷湖上路
花開未到郭西村
湘娥有瑟催歸雁
楚客無書託故園

惆悵東風醒亦醉夢中常是賦招魂

遊三門山

黃茅蓋屋石為門路轉溪迴更有村果樹連園收芋栗
豆花滿地散雞豚雲深易就漁樵隱山遠全忘市井喧
何獨武陵堪避世此中佳處亦難言

早秋旅夕

初月涼風夜向闌倚樓愁到笛聲殘天高閶闔銀河白
露滴梧桐金井寒多病馬卿猶是客幾時張翰也辭官

年年怕近清秋日憶殺湖邊舊釣竿

山中喜晴

山中十日苦風雪霧雨作寒纔放晴千澗水從松杪落
半空雲逐馬頭行居人向暖分茶樹啼鳥知春喚客名
不惜看花兼問酒東風歸路布袍輕

重吟

重吟梁甫自悲嗟為惜流年鬢有華馬上折殘官路柳
雨中過盡野牆花秦原萬里經圖遠楚澤三湘眺望賒

人物尚思羊叔子峴山歸騎詠清嘉

宿雨

宿雨瀟瀟悴客心高窗連日滯秋陰一枝未遂鷓鴣托
四壁應愁蟋蟀吟家在淮南青桂老門臨湖水白蘋深
鯉魚風熟香粳早釣艇誰撐近竹林

答王克讓

南朝冠蓋富才華謝朓新詩五色霞江水東來歸渤海
河源西上接流沙如今駿馬誰收骨自古牽牛不服車

每憶故人王逸少
滄洲拾翠折疏麻

重憶西巖訪舊

鷓鴣聲中宿雨晴
白雲閒傍馬頭生
東鄰茅屋新煙起
南澗石橋春水平
野老見多還問姓
山花開盡不知名
故人宅近青松下
未到柴門已出迎

王蒙

閒適二首

綠楊堪繫五湖舟
袖拂東風上小樓
晴樹遠浮青嶂出

春江曉帶白雲流古今我愛陶元亮鄉里人稱馬少游
不負平生一杯酒相逢花下醉時休

自笑愚公住翠微長年無事掩荆扉苔深綠綺閒棋局
花落嚴陵舊釣磯紫朮旋春明日飯白雲堪製暮春衣
溪南千樹碧桃下醉倒東風夜不歸

荏平縣西門郵亭廢圃中有花名玉瓏琤枝葉
與瓊花無異但素蕊層生與葉相間遠望如翠
煙籠玉幽香撲人遂呼濁醪痛飲花下陳令取

紙筆索詩乘醉走筆賦二律 錄一首

何年碧海會瑤仙雲製衣裳雪作鈿醉鎖素虬纏寶樹
閒騎白鳳下瑤天鶴林寺廢空流水后土祠荒起暮煙
慚愧郵亭一株雪春風猶得路人憐

陳汝言

秋夜二首

蕭寺鐘聲到枕邊客懷牢落正無眠才疎自合當時棄
親老惟慚故舊憐蟲語草根秋欲暮風搖梧葉夜如年

攬衣起坐空庭月百感令人思惘然

喔喔荒雞唱五更起瞻北極大星明佳人搗練秋如水
壯士吹笳月滿城江海久慚生計拙干戈深動故園情
尺書目斷南來鴈悵望空令涕泗橫

寄倪雲林

高人只在南湖住未踏扁舟往見之詩到每驚陶謝句
別來空負范張期花明曉日啼黃鳥谷暖春風長紫芝
此日幽居想無事水光山色滿簾帷

過彭城

畫角吹殘曉月明
官船撾鼓發彭城
山峯北去青如染
河水東來勢若傾
兩岸菰蒲天共遠
幾家村落屋初成
長歌激烈空懷古
亞父牆頭草又生

題溪山圖

峯巒清翠高千丈
織女機絲手可攀
萬壑雲生春冉冉
一溪花落水斑斑
人行樵徑蒼蘿裏
犬吠誰家綠樹間
今日看圖懷舊隱
石田茅屋幾時還

九日

客逢佳節每堪嗟，忽遇君來共憶家。
醉裏他鄉今日酒，眼中籬菊去年花。
解吟一老頭如雪，學舞雙童臉似霞。
更憶明年會何處，不知誰復在天涯。

余久不與文勉聚，語忽薄暮見過評論近詩，余甚有得也。且言明日欲還里中，特以云別為留觴酌。明月在地，微風動林，吾二人者情真意適，或飲或詠而不知夜之分矣。既酣偶得七言律。

詩一首遂用援筆走書為贈

好客評詩過草堂
琴尊留共晚風涼
天邊雲氣不成雨
地上月華渾似霜
渠碗羹浮芹葉嫩
碧筍酒吸藕花香
明朝別我城西去
水色山光引興長

泊江上

卸帆今夜泊洲渚
颯颯涼風起綠蘋
月底扣舷驚水鳥
船頭打鼓賽江神
青青芳草悲遊子
落落浮雲識故人
我亦少年淹旅泊
聊將濁酒慰情親

睡起

匡牀午夢鶴驚破簾外柳花飛白雲漠漠茶煙當戶起
丁丁樵響隔林聞詩成自刻庭前竹酒熟還羹澗底芹
春盡江南新漲綠扁舟何處狎鷗羣

舟過錢塘有感

錢塘江上水悠悠落日扁舟送客愁雲氣欲含千嶂雨
潮聲遠帶大江流征帆且復停洲渚晚飯應須上柁樓
見說西湖載歌舞春風不似舊時遊

題靈巖寺

靈巖之山山木稠
僧結庵居上頭蒼
松風裏作龍吼
白雲窓前如水流
憑闌始悲人世迫
舉目更感江山秋
千年霸業俱陳迹
落日寒煙生客愁

鄭定

伏波祠懷古

荒祠衰草已淒然
猶有居人話昔年
銅鼓苔生秋雨後
石牆花落夕陽邊
竹書早著平蠻策
沙井空餘飲馬泉

詞客經過休感慨雲臺麟閣總寒煙

朱芾

為志學聘君題惠麓秋晴圖

第二泉頭坐晚晴滿林松籟雜溪聲滌煩老去盧鴻一
謝俗歸來衛叔卿未必茶經隨火化擬尋茅屋待春耕
卧遊畫裏違清賞裏茗他年石上烹

寄張子政

野政老人隱者流清溪繞屋似愚溝自編蒲葉作素簡

時瀉松花洗玉舟
仲連未遽蹈東海
孺子還復栖南州
別來清事想不廢
詩成應畫李營丘

虞堪

旅懷

野閣篝燈獨夜時
苦愁風雨失歸期
夢回蜀道關山險
行盡江南草木衰
縱酒為憐花落去
懶眠重恨月來遲
不知鳴鳳飛何處
老却梧桐第一枝

春興

十日寒風翦落梅東西撩亂雪盈堆王孫何處尋芳草
野老多情踏舊苔須覺繁華隨水去斷無行跡過橋來
黃昏寂莫徘徊久安得清樽為爾開

寄馬民立在越上并簡孟季成

半生書劍各飄零千里相思望窅冥春水鷗邊吳樹綠
夕陽馬上越山青依劉已是同王粲適度何由似管寧
故舊見君還問我釣船只說寄煙汀

午日訪沈元圭席上次黃舜臣韻

一簾葵錦爛晴霞五色絲紅映臂紗玄藥自消頭上雪
絳榴誰插鬢邊花茶烹石鼎從施禁詩寫蠻箋學破邪
不是西山黃石叟難逢東老地仙家

張壁

嘉禾

城樓倒影落湖波湖上風帆鏡裏過歸客自炊菰米飯
小娃爭唱竹枝歌梭頭艇子輕於葉雪色沙鷗白似鵝
此地將軍戰時血春來丹漬鮮痕多

王垞

送秦東海法師遊上清觀

為愛仙山絕世氛，蒼苔寂莫路難分。
白羊歲久渾疑石，瓊樹春深半是雲。
洗藥泉香龍蛻骨，吹簫臺迴鶴成羣。
隱文祕訣無人識，我欲相從一問君。

寄倪元鎮

赤水丹山隔兩塵，麻姑書信莫辭頻。
久知鴻寶飛騰術，獨許青雲磊落人。
賓戲能消春晝永，茗香聊試石泉新。

東風回首毘陵道重擬攜書與卜鄰

劉儼

南屏別墅圖

竹裏深藏聽雪齋花邊小築御風臺雲嵐倒影水天迴
蒲葦有聲山雨來內史幽情觴詠樂右丞別業畫圖開
何時許我游真境野色橋邊踏紫苔

舟中漫興

春天縹緲吹雲衣碧水顛倒插翠微三家五家村舍出

一點兩點沙鷗飛柳枝裊裊拂過艇苔花斑斑生釣磯
風塵不到是樂土莫恠往來城府稀

陳燧

別景大

力疾微吟首宿盤忽聞君已駕征鞍江湖千里去來易
故舊一尊離別難荒草馬蹄山色遠古藤松樹暮陰寒
錢塘風物歸吟藁須寄山翁洗眼看

李延興

自述

八口淒涼生事微
中原羽騎日駢駢
天寒歲晚歸難定
水遠山長信轉稀
青眼故人頻送米
白頭慈母尚縫衣
蕭蕭漢渚蒹葭老
好向兒時舊釣磯

河上

宛宛寒山入暮煙
河流直到寺門前
店頭賣酒風吹幔
浦口叉魚雪滿船
翻覆世情堪大笑
寬閒野屋得清眠
虛堂月色明如晝
獨坐清彈五十弦

京口夜泊

醉客滿船歌月明隔江燈影逐人行帆衝雨腳迴京口
鐘送潮頭打石城南渡衣冠愁北望東臯簫鼓報西成
桑田海水依然在不管人間有變更

東宗葵

玉山草堂

草堂只在滄江上西戶憑虛野氣陰秋屐行隨苔逕曲
春船坐泛柳塘深久聞好事歸時論復喜交游盡苦吟

我欲乘閒來問訊百壺送酒重論心

貝瓊

送王克讓員外赴陝西

貂裘萬里獨衝寒舊是含香漢署官
白雪作花人面落青山如鳳馬頭看
關中相國資王猛海內蒼生望謝安
應念東南有遺佚采芝深谷尚盤桓

二月一日病中口號

新年猶苦病相侵白髮無情自滿簪
五柳先生蓮社約

四明狂客鏡湖心滿城風雨花時過曲水東西草色深
明日兩峯茅屋下故人持酒一開襟

送楊九思赴廣西都尉經歷

邛笮康居路盡通西南開鎮兩江雄漢家大將推楊僕
蠻府參軍見郝隆象跡滿山雲氣白雞聲千戶日車紅
明珠薏苡無人辨行李歸來莫厭窮

和張思廣九日韻時王景行有約阻雨不赴

秋藕無花寄斷絲拒霜猶學漢宮姿錦袍江令還家早

白髮秋娘對客悲，剩水殘山留勝槩。
酸風苦雨失幽期，未慚寂莫陶彭澤。
更把黃花盡一卮。

父山隱居夏日

病客從教懶出村，兩山一月雨昏昏。
野花作雪都辭樹，溪水如雲忽到門。
無復元戎喧鼓吹，試從田父牧雞豚。
來青處士時相過，猶是平原舊子孫。

送馬伯溫之廣西

樓船槌鼓發江中，昨夜檣烏喜北風。
可惜春歸還送客。

何知別後已成翁
浮天雪浪三湘闊
到海雲山百粵通
有子漢陽專簿領
一緘千里託飛鴻

朱右

次韻荅白雲悅禪師

向來同覽赤城霞
山寺行吟石徑斜
來往風流成二老
文章交好屬通家
平安屢問東橋竹
寄遠曾將小院花
支遁肯酬南塢約
相期歲晚度年華

春懷

舵樓空闊望京華
蘆荻江楓岸岸花
山色淡濃昏霧薄
水光浮沒夕陽斜
故鄉鴻鴈書千里
遠浦牛羊屋數家
邊塞柳營多昔宿
石田徒憶舊桑麻

張宣

得鄧南隱書時在廣西

風塵擾擾干戈際
兩地俱為淪落人
夢見亦憐風度好
書來翻遣別愁新
桺葉暗蠻溪雨荔
子花濃海嶠春
壯志幾回思奮迅
出門誰慰白頭親

謝徽

題宋復古鞏洛圖

青山鞏洛舊林園彷彿昇平古意存
雨外人歸秋葉浦
煙中鳥下夕陽村
昔年題字宸光合
今日披圖野興繁
風景西湖仍不異
惟餘故老說中原

邵亨貞

南金錢先生應庚暮春過溪上旋即返棹早秋

成四韻奉寄

桃花浪裏泊扁舟
草草相逢恨莫留
一自春風來折簡
幾番夜月獨登樓
塵蹤偃蹇長懷舊
蓬鬢蕭疎又見秋
為報故人安好在
身閒不負遠公遊

泖濱見荷花

每愛西湖六月涼
水花風動畫船香
碧筒行酒從容醉
紅錦游帷次第張
月殿承恩霑沆瀣
星槎留影下陂塘
江南秋冷紅衣落
離立西風舊恨長

錢宰

長江偉觀圖

第一江山獨凭闌
秋風斷石倚江關
兩峯並立星河上
一水中流天地間
海日東生月西沒
官船北去客南還
莫愁白髮搔來短
酒落金盤入醉顏

分題賦鏡湖送張用中

鏡湖白波木葉稀
涼風蕭蕭入客衣
季真賜宅已無主
太白酒船空棹歸
野色驚秋鴻鴈下
水聲吹雨鯉魚飛
此時張翰吳中去
雲鎖稽山失翠微

題趙仲穆秋山圖

人家水檻接山窗好在江南山水邦
兩岸雲林皆落日一天鳬鴈共秋江
屋頭數遍青巒九松下吟成白石雙
野服何人正蕭散泊船歸醉酒盈缸

題羅稚雲林秋晚

崢嶸列岫白雲西江上晴林直與齊
落日欲分山上下秋聲不隔樹高低
潯陽舊宅陶潛住天際歸舟謝朓題
我亦愛君泉石好攜家便擬結幽棲

送朱叔英還維揚

策策西風木葉稀故鄉何處鴈南飛
岷峨萬里秋江落淮海維揚獨客歸
鐵甕待潮催曉渡金盤壓酒浣征衣
高樓明月如相憶一髮秦稽鎖翠微

題崔彥輝雲林小隱

雲上平林半是雲索居別墅樂閒身
蘋花落日江南唱楊柳滄灣若下春
隔岸青山連罨畫當門綠樹接比鄰
外家第宅相過近內翰風流世有人

題趙仲穆彥徵畫馬

驄馬連錢新鑿蹄
絡頭羈馬任官奚
來從月窟真無價
進入天閑不敢嘶
雨露九重思冀北
風塵千里下淮西
解鞍知在休兵後
楊柳平河春草齊

烏斯道

次蒲菴長老韻二首

一別老禪三載餘
每懷溪上笑談初
春山細雨霑烏帽
晴日閒華墮碧疏
九日登高曾有約
二王小楷未能書

至今不到天香室深愧埃塵少滌除

矯首令人感慨深浮雲蔽日閣曾陰六時花散金銀剝
千里塵飛劒戟林經罷看山長獨坐定回倚石自微吟
絕憐松下清泠水好與人間洗渴心

胡奎

送徐千戶之甘州

春寒初試越羅袍不惜千金買寶刀馬援橐中無薏苡
張騫槎上有葡萄崑崙西去黃河遠函谷東來紫氣高

何事相逢又相別
隴雲邊月夜勞勞

管訥

山水便面

宣和便面何從得
畫史當時屬有才
紫翠峰巒天上落
青紅樓閣樹頭開
羣賢似向蘭亭會
一老疑從栗里來
安得從容隨杖履
輕舟日繫水雲隈

靈鷲僧勤無逸奉使日本回授官聞欲見舉寄

之

天宇寥寥一錫飛，忽聞承詔赴彤闈。
山中書札三年別，海上梯航萬里歸。
賈島文章終釋褐，曹溪弟子孰傳衣。
白雲出岫無心處，老我滄江理釣磯。

送長史司吏吳冰中役滿還廣東

早春公館柳條黃，清暇題詩送掾郎。
白髮簿書官事了，青山風雨客程忙。
船從杜若芳洲發，酒向桄榔小店嘗。
歸及墓田寒食後，碧雲東望思茫茫。

用李翔韻題胡長史所藏東坡墨竹

剩水殘山雪後時，
韉材貌得歲寒枝。
歸來內署中持燭，
忘却南溪有賦詩。
岷谷秋陰雲冉冉，
湘江春碧雨差差。
展圖如在千年裏，
六月涼颼灑鬢絲。

紙被

萬杵霜藤練色勻，
卷舒一幅淨無塵。
梨花夜暖雲迷夢，
柳絮春寒雪滿身。
未怪青綾能見妬，
也勝白氎尚欺貧。
五更聽徹金門漏，
得似山林晏起人。

木芙蓉

諸宮仙種耐清寒
笑倚西風臉沃丹
絳節三朝瓊作佩
霓裳一曲翠為盤
夜霜漁屋燈前見
秋水人家畫裏看
可惜繁華易惆悵
錦官城上夕陽殘

題醫士張孟安懶窩

青年與世似迂疎
一室全勝水竹居
雲到榻前應共宿
草生階下不教除
任從野老常爭席
無奈鄰人數借書
賣藥養親甘旨備
何曾頭過一旬梳

陸氏滄浪漁隱

子是天隨幾葉孫家藏釣具至今存秋風鱸美時供饌
春水鷗閒日到門泛宅豈殊居甫里放舟莫擬入桃源
濯纓濯足都休論且對青山倒一尊

次韻有懷周府奉祠宋季子

故人為別動經年況復祠官久不遷白髮交游惟我舊
清時文物尚君賢匆匆過夢尋蝴蝶的的歸心在杜鵑
無限相思千里外暮雲春樹兩茫然

次韻荅李孟辯見寄

十日春無一日晴
閉門聽雨不勝情
江花偏向愁邊發
池草都從夢裏生
西北星搖天不動
東南潮落海如傾
却憐臣甫憂時切
夜夜遙瞻北斗城

宴徐氏樓

高宴徐家池上樓
座中賓客總風流
東城美酒休辭醉
南國佳人自解愁
晴日遊絲當戶落
暖風香篆近簾浮
歸時不用山公馬
短棹春波正滿洲

姚氏野春堂

野外茅堂不掩扉
堂前風日散晴霏
梨花門巷清明近
春水池塘燕子飛
每約鄰翁同社飲
更從田畯勸農歸
明朝我亦尋春去
小試東風白苧衣

答吳高士見寄

青鞵布韞木棉裘
合是山中隱者流
舉世可無劉越石
薦賢誰是呂婆樓
秋風泖蟹年年上
春水沙鷗日日浮
好為攜琴并載酒
三高祠下放扁舟

送瀘州判官孫彥博

新除貳守向瀘川西上長江萬里船行李莫辭為客遠
判花正喜得君賢官鹽歲汲千家井火米時收五月田
緩帶從容有佳興寄詩細寫薛濤箋

寒食

三月東風大放顛今年為客倍淒然杏花時節偏聽雨
寒食人家不禁煙千里故鄉愁共遠一春白日夢相牽
天涯草色青青處祇憶千山墓下田

寄淞上友人

憶昔都門把臂時，殷勤索我送行詩。
客邊賴爾能相慰，別後令人有所思。
芳草暮雲愁忽忽，落花春雨鬢絲絲。
東歸艇子如堪買，定擬尋君澗水湄。

題王秉正雲林清隱

青林白谷水雲鄉，隱者深居一草堂。
百道松泉當戶落，四時花雨入簾香。
門前車馬紅塵遠，座上琴書白日長。
滿目故家風景在，不須重畫輞川莊。

王翰

次韻義眉山

霧作衣裳雲作屏
玻璃萬頃著娉婷
望夫石上偏多雨
織女河邊欲隕星
蟬螀夏涼收淺絳
蟾蜍秋冷抹長青
可憐天際微顰處
六國興亡一夢醒

和黃體方伴讀新蟬韻

滿地殘花過雨天
槐陰庭院響新蟬
輕敲金奏當窗外
閒撥銀箏向枕邊
曉露吸殘青草岸
晚風吹出綠楊煙
家山深處林亭好
曾被繁聲聒醉眠

秋信

寒來消息是誰傳
金井梧桐一葉先
殘暑已消團扇底
新涼纔到短檠前
問愁多在蛩聲裏
寄遠常從鴈影邊
流浪浮生渾不覺
知機林外有鳴蟬

送成紀善省親關中

端門賜告得馳歸
雪霽沙溝淨不泥
寒度鴈聲天遠近
早行林影月高低
河源出塞金繩直
嶽色連雲翠蓋齊
戲綵高堂稱壽畢
歸期先報鄭門西

夜月吹簫圖

梧桐月轉欲棲鴉閒弄參差隔紫霞彩鳳暗巢長樂樹
金鷺偷語上陽花鬘粧涼露霑釵玉簇仗香雲繞扇紗
吹到揚州移別調君王親為按紅牙

趙俶

破窗風雨圖

客窗讀書過夜半江上長風將雨來茅屋身和木葉落
竹牀笑對燈花開何人雞鳴解起舞此時蝶夢付銜杯

我欲哦詩慰寥寂
衰筇敲門步綠苔

涂穎

酬鄒伯謙見寄

白髮蕭疎忝侍儀
夔龍青瑣許追隨
禁廬晚退仍分直
宣室春來屢祝釐
翔鳳遠連雙玉闕
流鶯深囀萬年枝
老懷寥落將何補
空有雲泉入夢思

蕭執

劉子高贈王明善依韻以和

匡廬之山瀑布泉老子結社來何年林間經罷常隨鹿
雲外樵歸或遇仙坐石有時巾挂樹焚香終日袖攜煙
市南別有秋江水種得花開總是蓮

御選明詩卷七十